

Ingat Pemberi Nikmat bukan hanya nikmat-Nya

SOLUSI

PANDUAN
HIDUP
BERSYARIAT

2012 | PP 15048/05/2012 (029644) |

M O T I V A S I • F A R D U A I N •

ISU No.

43

Subur dengan Syukur

Orang yang bersyukur sentiasa malu untuk "dimiliki" selain oleh Allah.

Apabila manusia tidak merasakan memiliki dan dimiliki, hatinya subur dengan syukur. Itulah kemuncak ketenangan dan kebahagiaan dalam hidup.

Dilema Bakal Pengantin PLHIV **76**

Semut pun Sedar... **28**

Laburkan Si Genius Mendalami Islam **96**

Alam Siber vs.
Alam Ghaib **54**

ISSN 1985-5400



43

RM 10.00 (SEM)
RM 12.00 (SIS)
SGD 7.50
BND 7.50
USD 10.00
EUR 8.00
IDR 35,000.00
AUD 7.50

AUDIT BUREAU OF CIRCULATIONS
(Incorporated in Malaysia)

9 771985 540003

TELAGA BIRU SDN. BHD.



Imbas kod untuk ke Facebook Majalah Solusi

soal jawab muamalat

■ DR. ZAHARUDDIN ABD. RAHMAN

Mencagarkan Emas

Di negeri sebelah Pantai Timur, terdapat individu yang mengambil kesempatan atas sistem *al-rah*n (sistem gadaian Islam). Contohnya, seseorang yang mempunyai wang tunai sebanyak RM10,000 dan dia menggunakan kesemua wang tersebut untuk membeli emas perhiasan yang jumlah beratnya lebih kurang 60 gram.

Kemudian, dia akan pergi ke ar-Rahn (syarikat atau institusi gadaian Islam) untuk mencagarkan kesemua emas tersebut bagi mendapatkan pinjaman 70% daripada nilai semasa perhiasan yang dicagarkan itu. Hasilnya, dia akan mendapat wang tunai sebanyak RM7,000.

Seterusnya, dia menggunakan pula wang tersebut untuk membeli emas lagi. Kemudian mencagarkannya semula di ar-Rahn. Tindakan ini dilakukan berulang kali sehingga wang tunainya habis. Adakah tindakan sebegini dibenarkan?

Jawapan: Pada asalnya, sistem *al-rah*n bertujuan memberikan rasa terjamin dan selesa bagi orang yang memberi hutang bahawa penggadai yang berhutang berupaya membayarnya. Jika dia gagal, aset yang dicagarkan akan dijual oleh pemberi hutang bagi menyelesaikan nilai hutang.

Walau bagaimanapun, berlaku polemik dan perbahasan dalam kalangan ulama di dalam dan luar negara berkenaan instrumen *al-rah*n versi Malaysia yang ada pada hari ini. Ada ulama yang bersetuju, dan ada juga yang tidak bersetuju. Apapun, instrumen *al-rah*n ini telah berkembang luas di Malaysia dan mendapat sambutan menggalakkan daripada masyarakat.

Antara faktor penggalak utama, seorang itu boleh mendapat wang tunai segera daripada emas yang dicagarkannya dan pada waktu yang sama mereka tidak kehilangan emas tersebut. Ini biasa dilakukan oleh peniaga-peniaga kecil

khususnya di Pantai Timur untuk mendapatkan modal cair dengan segera.

Kes yang saudara bawakan kerap kali saya dengar. Hasil akhirnya, seorang itu boleh memiliki jumlah emas yang lebih besar berbanding wang miliknya. Pada asalnya, orang yang memiliki RM10,000 hanya mampu membeli 60 gram emas sahaja dengan sekali pembelian. Namun dengan teknik yang dinyatakan tadi, dia boleh mendapatkan emas lebih daripada 60 gram; mungkin sehingga 100 gram, sedangkan modal asalnya hanya RM10,000.

Pada pandangan saya, ini dinamakan *leverage*. Jika dilakukan secara kerap, ia boleh tergolong dalam kategori *excessive speculation* atau spekulasi terlampaui yang mengandungi syubhab judi. Ia juga mempunyai elemen **membeli emas secara berhutang** kerana semua emas yang berada dalam simpanan syarikat ar-Rahn, jika diminta pencagar itu menebus secara tunai serta-merta, pasti dia gagal.

Kes ini hampir sama seperti mereka yang mengambil kesempatan atas sistem pembelian saham T+3. Hakikatnya pembeli saham tiada wang yang mencukupi untuk membeli sahamnya, namun dia tetap membelinya juga dengan harapan sebelum sampai tempoh wajib menyelesaikan hutang pembelian, harga saham akan naik. Jika saham itu naik, dia akan menjualnya segera, lalu mendapat keuntungan atas perbezaan nilai harga belian dan harga jualan saham tersebut. Itu sebenarnya satu perjudian yang berselindung di sebalik nama saham!

Inilah pandangan saya secara ringkas. Apa pun, itu ini perlu dibincangkan dengan lebih teliti. Saya tidak mengatakan haram, saya cuma berpendapat ia mempunyai syubhab perjudian dan spekulasi melampau. Justeru ia satu transaksi yang merugikan. *Wallahu a'lam*.

Jual Beli Daging Korban

Bolehkah kita menjual daging korban dan kulitnya? Di tempat saya, terlalu banyak lebihan daging korban yang tidak dapat diagihkan kerana ramai ahli kariah yang balik ke kampung. Sedangkan kami tiada tempat khas untuk menyimpan lebihan daging tersebut. Justeru kami terfikir untuk menjualnya. Hasil jualan tersebut pula akan diberikan kepada masjid dan sebagainya. Adakah tindakan ini dibenarkan oleh syarak?

Jawapan: Hukum asal menjual daging binatang korban dan kulitnya adalah **haram**.

Terdapat dalil yang jelas berkenaan. Nabi s.a.w. bersabda yang bermaksud: "Sesungguhnya sebelum ini aku mlarang kamu agar tidak memakan daging korban kamu sendiri. Namun sekarang ini, maka lah sebagaimana yang kamu inginkan (iaitu dipinda larangan terdahulu). Bagaimanapun, jangan sekali-kali dijual daging sembelihan korban, sebaliknya makan, sedekah dan gunakanlah kulitnya. Jangan sekali-kali dijual!" (Riwayat Ahmad)

Meskipun niat penjualannya ikhlas dan baik seperti untuk disedekahkan, ia tetap haram disebabkan wujudnya dalil yang jelas melarangnya. Ini kerana korban ialah ibadah dan urusan ibadah tertakluk sepenuhnya kepada nas dan dalil. Ibadah tidak sama dengan hal ehwal muamalat yang lebih terbuka kepada justifikasi dan kajian tentang hikmah di sebalik sesuatu hukum.

Mungkin ada yang mempersoalkan tentang logik atau hikmah berkaitan laranjan penjualan daging tersebut, biarpun tujuannya baik dan betul. Sebenarnya, dari awal-awal lagi pembelian haiwan korban merupakan sedekah yang dilakukan oleh pelaksana korban. Ia juga merupakan satu bentuk ibadah khusus yang tidak boleh disamakan dengan apa-apa nilai harta selepas pelaksanaannya. Lagipun, jika daging yang berlebihan itu dijual, nilai harga jualannya mungkin sudah tidak sama. Sama ada harganya kurang atau lebih, ia tentu menjelaskan ibadah korban yang asal.

Dari sudut lain pula, dibimbangi seolah-olah pelaksana korban itu membatalkan korbannya. Bukankah pada asasnya, ibadah korban itu cukup eksklusif kerana ia melibatkan binatang yang mencukupi syarat-syarat tertentu sahaja, yang dilakukan pada masa tertentu dan dilaksanakan dengan cara tertentu. Di sinilah letaknya nilai daging korban tersebut. Maka adakah boleh disamakan dengan nilai jualannya?

Berbalik kepada soalan saudara, jika daging itu berlebihan, ia bolehlah disimpan sementara menunggu ahli kariah kembali. Penyimpanan tidak semestinya memerlukan stor khas, bahkan ia boleh dilakukan oleh sesiapa sahaja daripada ahli kariah tersebut. Jika tidak pun, agihkan sahaja kepada sesiapa sahaja umat Islam sehingga habis, dan tidak semestinya kepada ahli kariah atau orang berdekatan sahaja. ■

